

# **IMAQARNILIAQ MIA - Meeqqanut Ilaqutariinnullu Ataatsimiititaq 16-05-2017**

**Ulloq ataatsimiiffissaq**    Tirsdag 16. maj 2017 kl. 21:00

**Ataatsimiiffissaq**        Kommunalbestyrelsip ataatsimiittarfia

# Indholdsfortegnelse

Saqqaa.....	3
Oqaluuserisassat akuerineqarnerat.....	4
Nalunaarutit.....	5
Ilisimatitsissutit.....	6
Aalajangiiffigisassat.....	7
Siulittaasumik, siulittaasullu tullianik qinersineq.....	8
Suleriaasissaq.....	11
2017-imi politikikkut ataatsimiiffissat.....	14
Oqaluuserisassat Aningaasaqarnermut Inuussutissaqarnermullu Ataatsimiititamut ingerlateqqitassat	17
Immikkoortut matoqqasut.....	18
Immikkut taasariallit.....	19
Imaqarniliap akuerineqarnera.....	20

## **Punkt 0: Saqqaa**

**Ilaasortat**  
Uju Petersen (IA) Rasmine Geisler (IA) Inge Olsvig Brandt (IA)  
Knud Mathiassen (IA) Ane Egede Math&aelig;ussen (S)

### **Beslutning**

Peqataanngitsut:

Knud Mathiassen

## **Punkt 1: Oqaluuserisassat akuerineqarnerat**

### **Beslutning**

Oqaluuserisassat akuerineqarput. Siulittaasumik qinersisoqartinnagu ataatsimiineq sivisunerpaamik ilaasortaasumik Ane Egede Mathæussen-imit aqunneqarpoq.

## **Punkt 2: Nalunaarutit**

<p>Oqaluuserisassat peerneqarput</p>

### **Punkt 3: Ilisimatitsissutit**

<p>Soqanngilaq.</p>

## **Punkt 4: Aalajangiiffigisassat**

## **Punkt 4A: Siulittaasumik, siulittaasullu tullianik qinersineq**

### **Beslutning**

Siulittaasutut qinerneqarpoq Uju Petersen (IA)

Siulittaasup tulliatut qinerneqarpoq Rasmine Geisler (IA)

## **04A Meeqqanut Ilaqutarinnullu Ataatsimiititami siulittaasumik siulittaasullu tullianik qinersineq**

Aalajangiiffigisassaq

J.nr.: 01.01.02

Pisortaanerugallartoq Lars Møller-Sørensen / LMS

### **Suliassamik eqikkaaneq**

Kommunit aqunneqarnerat pillugu Inatsisartut inatsisaanni nr. 22, 18. november 2010-meersumi § 27 naapertorlugu, ataatsimiititap ataavartup Kommunalbestyrelsimit ivertinneqartup siulittaasussani nammineq qinissavaa. Siulittaasup ataatsimiinnissat piareersassavai, ataatsimiigiaqqusissaaq ataatsimiinnerillu aqussallugit kiisalu aalajangiinerit imaqarniliamut allanneqarnissaat qulakkiissallugu.

Meeqqanut Ilaqutariinnullu Ataatsimiititap suleriaasiani § 3 naapertorlugu ataatsimiititaq pisinnaavoq aamma siulittaasup tullianik qinersissalluni. Siulittaasup tullia siulittaasup pisinnaanginnerani siulittaasuugallassaaq.

### **Inassuteqaat**

Borgmesterip Allatseqarfiata Meeqqanut Ilaqutariinnullu Ataatsimiititamut inassuteqaatigaa:

- ataatsimiititaq siulittaasumik toqqaassasoq
- ataatsimiititaq siulittaasup tullianik toqqaassasoq

### **Suliassamik saqqummiussineq**

Kommunit aqunneqarnerat pillugu Inatsisartut inatsisaanni nr. 22, 18. november 2010-meersumi § 27 naapertorlugu, ataatsimiititap ataavartup Kommunalbestyrelsimit ivertinneqartup siulittaasussani nammineq qinissavaa. Siulittaasup ataatsimiinnissat piareersassavai, ataatsimiigiaqqusissaaq ataatsimiinnerillu aqussallugit kiisalu aalajangiinerit imaqarniliamut allanneqarnissaat qulakkiissallugu.

Meeqqanut Ilaqutariinnullu Ataatsimiititap suleriaasiani § 3 naapertorlugu ataatsimiititaq pisinnaavoq aamma siulittaasup tullianik qinersissalluni. Siulittaasup tullia siulittaasup pisinnaanginnerani siulittaasuugallassaaq.

### ***Aaqqiissutissatut siunnersuut – suliatigut naliliineq***

Siulittaasup ataatsimiititaq sinnerlugu suliassat kinguartinneqarsinnaangitsut imaluunniit nalornisoorutaasinnaangitsut aalajangiivigisinnaavai. Suliassani inatsisiliornikkut ataatsimiititamut suliassanngortitaasimangitsuni kinguartinneqarsinnaangitsunili ataatsimiititami siulittaasup aalajangiitinnani borgmesteri ilisimatittassavaa, tamannali atuutinngilaq suliassani ataatsimiititamut suliassanngortinneqarsimasuni, aqutsinermut inatsit §27 imm. 2 innersuussutigalugu

Ataatsimiititami ataavartumi ilaasortaq kinaluunniit siulittaasup atuuffianut tunngasumik sumilluunniit apeqquteqarsinnaavoq, siulittaasorlu ataatsimiititap ataavartup piunasaqaataanut tunngasumik paasissutissiissaaq. Siulittaasoq sutigut tamatigut ataatsimiititap aalajangiinerinut maleruuttussaavoq.

Meeqqanut Ilaqutariinnullu Ataatsimiititap suliassai aqutsinermi ileqqoreqqusat naapertorlugit aalajangersarneqassapput.

*Aningaasaqarnikkut sulisoqarnikkullu naliliinerit*

Suliaq aningaasaqarnikkut sulisoqarnikkullu kinguneqartitsissanngilaq.

*Inatsisitigut tunngavissaq allakkallu tunngaviusumik uppernarsaatitalit*

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

Kommuneqarfik Sermersuumi Kommunalbestyrelsimut Aqutsinermut Ileqqoreqqusaq

Meeqqanut Ilaqutariinnullu Ataatsimiititap suleriaasissaa

*Ingerlariaqqinnissaq*

Ataatsimiititat ataavartunut ilaasortanik toqqaaneq Kommunalbestyrelsip piffissami atuunneranut sunniuteqassaaq.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

**Innuttaasunik peqataatitsineq/attaveqaqatigiinneq**

Siulittaasumik siulittaasullu tullianik toqqaaneqartut kommunip nittartagaani saqqummiunneqassapput.

**Ingerlatsivinnit allanit oqaaseqaatit**

Soqanngilaq.

**Ilanngussaq**

Soqanngilaq.

## **Punkt 4B: Suleriaasissaq**

### **Beslutning**

Suleriaasissaq akuerineqarpoq.

### **Bilag**

2017-2021 Forretningsorden for MI\_KAL.docx

## **04B Meeqqanut Ilaqutariinnermullu Ataatsimiititap suleriaasissaa**

Aalajangiiffigisassaq

J.nr.: 01.00.03

Pisortaanerugallartoq Lars Møller-Sørensen / LMS

### **Suliassamik eqikkaaneq**

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 28 imm. 2 naapertorlugu Meeqqanut Ilaqutariinnermullu Ataatsimiititap suleriaasissani akuersissutigissavaa.

Borgmesterip Allatseqarfianit matumuuna Meeqqanut Ilaqutariinnullu Ataatsimiititap suleriaasissaatut siunnersuut saqqummiunneqarpoq.

### **Inassuteqaat**

Borgmesterip Allatseqarfiata Meeqqanut Ilaqutariinnullu Ataatsimiititamut inassuteqaatigaa:

- suleriaasissaq akuersissutigineqassasoq

### **Suliassamik saqqummiussineq**

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq § 28 imm. 2 naapertorlugu Ataatsimiititap Ataavartut suleriaasissani akuersissutigissavaa.

### **Aaqqiissutissatut siunnersuut – suliatigut naliliineq**

Meeqqanut Ilaqutariinnullu Ataatsimiititap suleriaasissaa naapertorlugu makku aalajangersarneqarput:

- Ataatsimiititap sulinera
- Ataatsimiititap siulittaasua aamma siulittaasuata tullia.
- Ataatsimiititaliap ataatsimiittarnissai
- Oqaluuserisassat suliallu saqqummiunneqarneri.
- Aalajangiisinnaatitaaneq, ataatsimiinnermik aqutsineq suliallu saqqummiunneqartarneri.
- Aalajangererit pillugit imaqarniliaq
- Nipangiussisussaataaneq
- Ataatsimiititap aalajangererit suliaqarneq piginnaatitaaffinnillu agguaassineq
- Suleriaasissami allannguutit
- Atuutilersitsineq

Ataatsimiititap suleriaaserisimasaanut naleqqiullugu marlunnik allannguisoqarnissaa siunnersuutigineqassaaq. Allannguut siulleq ima siunertaqarpoq, Meeqqanut Ilaqutariinnermullu Ataatsimiititami ataatsimiittarnerni pappialat atornerarunnaassapput. Allannguutissamut atatillugu ataatsimiititamut ilaasortat ataatsimiissutissaat elektronikkikkut atortuuteqartinneqalissapput, First Agendamik taaneqartumik, taannalu suleriaatsimi § 4, imm. 1-tut atulernerqarnissaa siunnersuutigineqarpoq. Allannguutissap aappaa politikerit allaffeqarfimmut apeqqutaat allanut tusarliuteqqusaanagit oqaluuserineqarnerinut tunngatillugu ersarissaaneruvoq, naleqqiuguk § 4, imm. 2.

### **Aningaasaqarnikkut sulisoqarnikkullu naliliinerit**

Kommunalbestyrelsimut ilaasortaasimasumit allaffeqarfimmut apeqquteqaateqartoqarnera tunngavigalugu, Kommunalbestyrelsip ataatsimiinnerini ataatsimiititalu ataatsimiinnerini pappialanik atuinerit allaffeqarfimmit missingiusiarineqarput. Missingiusiorneq naapertorlugu, ukiumut 410.000 kr. missaanni katillugit aningaasartuutaasartut, tassa Kommunalbestyrelsimut

ilaasortaq ataaseq 22.000 kr. missaani. Naatsorsuinermi paasissutissat eqqoqqissaartut tunngavigineqanngillat, pissutigalugu kommunimi Nuummi Kommuneqarfiup Allaffiani "repro-maskiinat" atorineqarneri tunngavigineqaramik kiisalu allaffissuarmi kopeerinermit maskiinat allat atorlugit missingiusiortoqarluni.

Taamaattumik suleriaasissap Kommunalbestyrelsimit, Aningaasaqarnermut Inuussutissaqarnermullu Ataatsimiititaliamit Ataatsimiititalianilu Ataavartuni akuersissutigineqarnerani pappialanik atuineq eqqarsaatigalugu kiisalu atortussanik naqitanngortitsisarnerit ilaasortanullu agguissisarnerit il. il. eqqarsaatigalugit, siparniuteqarnermik kinguneqartussaavoq.

*Inatsisitigut tunngavissaq allakkallu tunngaviusumik uppermarsaatitallit*  
Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

#### *Ingerlariaqqinnissaq*

Meeqqanut Ilaqutariinnermullu Ataatsimiititap suleriaasissani akuersissutigippagu, 2, maaji 2017-imi atulersinneqassaaq.

Suleriaasissaq akuersissutigineqariarpat atsiorneqarlunilu, Naalakkersuisunut nassiunneqassaaq, aqutsineq pillugu inatsimmi § 1, imm. 4 naapertorlugu.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq.

#### **Innuttaasunik peqataatitsineq/attaveqaqatigiinneq**

Suleriaaseq kommunip nittartagaatigut tamanut nalunaarutigineqassaaq.

#### **Ilanngussaq**

1. Suleriaasissatut nutaatut siunnersuut

## **Punkt 4C: 2017-imi politikikkut ataatsimiiffissat**

### **Beslutning**

Ullut politikikkut ataatsimiiffissat akuerineqarput.

### **Bilag**

Politisk mødekalender 1. halvår 2017 KAL-DK med udvalg.pdf

Politisk mødekalender 2. halvår 2017 KAL DK.pdf

## 04C 2017-imut politikkikkut ataatsimiiffissat

Aalajangiiffigisassaq

J.nr.: 01.01.01

Pisortaanerugallartoq Lars Møller-Sørensen / LMS

### **Suliassamik eqikkaaneq**

Aqutsinermut inatsimmi § 8-mi allaqqavoq” "Kommunalbestyrelsi aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

2017-imut politikkikkut ataatsimiiffissat 2017-imi maaji aallarnerfigalugu ukiup sinneranut atuupput.

### **Inassuteqaat**

Borgmesterip Allatseqarfiata Meeqqanut Ilaqutariinnermullu Ataatsimiititamut inassuteqaatigaa:

- ataatsimiititap 2017-imi ataatsimiiffissai akuerineqassasut

### **Suliassamik saqqummiussineq**

Aqutsinermut inatsimmi § 8-mi allaqqavoq” "Kommunalbestyrelsi aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalakkersuisut ilisimatinneqassapput."

### *Aaqqiissutissatut siunnersuut – suliatigut naliliineq*

2017-imut politikkikkut ataatsimiiffissat 2017-imi maaji aallarnerfigalugu ukiup sinneranut atuupput.

Meeqqanut Ilaqutariinnermullu Ataatsimiititap pingasunngornikkut nal. 14.00 ataatsimiittarnissaa siunnersuutigineqarpoq. Ataatsimiititaq sisamariarluni ileqquusumik ataatsimiissaaq.

### *Aningaasaqarnikkut sulisoqarnikkullu naliliinerit*

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

### *Inatsisitigut tunngavissaq allakkallu tunngaviusumik uppermarsaatitallit*

Kommunit aqunneqarnerat pillugu Inatsisartut inatsisaat nr. 22, 18. november 2010-meersoq

### *Ingerlariaqqinnissaq*

Politikkikkut ataatsimiiffissat taamatullu ataatsimiinnerni oqaluuserisassat imaqarniiallu kommunip nittartagaanut tamanut saqqummiunneqassapput. Politikkikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2017-imi politikkikkut ataatsimiiffissat Naalakkersuisunut nassiunneqassapput.

### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaateqartitsisoqanngilaq, ullulli ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit akuersissutigineqarnissaannut, missingersuusiormut il.il. naapertuussinnaaqullugit.

**Innuttaasunik peqataatsineq/attaveqaqatigiinneq**

2017-mi politikikkut ataatsimiiffissat kommunip nittartagaani alakkarneqarsinnaassapput.

**Ingerlatsivinnit allanit oqaaseqaatit**

Soqanngilaq.

**Ilanngussaq**

1. 2017-imi politikikkut ataatsimiiffissatut siunnersuutit

## **Punkt 5: Oqaluuserisassat Aningaasaqarnermut Inuussutissaqarnermullu Ataatsimiititamut ingerlateqqitassat**

<p>Soqanngilaq.</p>

**Beslutning**

.

## **Punkt 6: Immikkoortut matoqqasut**

<p>Soqanngilaq.</p>

## **Punkt 7: Immikkut taasariallit**

### **Beslutning**

Uju Petersen (IA): Siulittaasup Jens Kaptajn attaveqarfigivaa ingerlatsiviup qanoq ilusilerneqarnissaa pillugu.

Ane Egede Mathæussen: Ane-p augustimi ataatsimiititap ataatsimiinnissaani paserusuppaa kommunip iluani illoqarfiit allat qaqugu ataatsimiititami tikinneqarsinnaanersut aammalu nunanut allanut paasisassarsiorluni qaqugu angalasoqassanersoq.

## **Punkt 8: Imaqarniliap akuerineqarnera**

### **Beslutning**

Imaqarniliaq akuerineqarpoq nal. 16:45